

大臣南溟去問道皆請謁酒以甘露言清涼潤肌髮  
湖海落天鏡香閣凌銀闕登眺餐惠風新花期啓發

南嶽

劉禹錫

東南地益卑維嶽資柱石前當祝融居上拂朱鳥翮  
青冥結柏氣磅礴宜地脉還開膚寸陰能致彌天澤

擬竹

陳子昂

龍種生南嶽孤翠鬱亭亭峯嶺上崇峯煙雨下冥冥  
夜聞鼯鼠叫晝聒泉壑聲春風正淡蕩白露已清冷  
哀響湧金奏密色滋玉英歲寒霜雪苦含彩獨青青  
豈不厭凝冽羞比春木榮春木有榮歇此節無凋零

衡州府志

卷之三十一

藝文詩

七

始願與金石終古保堅貞不意伶倫子吹之學鳳鳴  
遂偶雲和師張樂近天庭妙曲方千變蕭韶亦九成  
信蒙彫琢美常願事仙靈驅馳翠虬駕伊鬱紫鸞笙  
結交麻臺女吟弄昇天行攜首登白日遠遊戲赤城  
低昂元鶴舞斷續彩雲生永隨衆仙去三年遊玉京

石岡峰

劉長卿

前山帶秋色獨在秋江晚疊嶂入雲多孤峰片人遠  
竇緣不可到蒼翠空在眼渡口問漁家桃源路深淺

祝融峰

朱了

衡嶽千仞起祝融一峰高羣山猥笑兀奔走如曹逃

我來雪月中歷覽快所遭捫天滑青壁俯壑崩銀濤  
所恨無巨筴一掣了六鼇遙歸青蓮宮坐對白玉毫  
重閣一倚徙霜風利如刀平生山水心真作貨食餐  
明朝看清徹再往豈憚勞中宵撫世故劇如千蚶毛  
嬉遊亦何益歲月令滔滔起望東山雲茫然首空搔

風雪未已決策登山

朱子

披風蘭臺宮看雨百常觀安知此山雲對面隔霄漢  
羣英匝寰區密雲渺天畔峩峩雪中山心服悽欲斷  
吾人愛奇賞遞發臨河歎我知沍寒極見現今當泮  
不須疑吾言第請視明日蠟展得鴈行監輿或魚貫

衡州府志

卷之三十一

藝文詩

八

大雪馬上次韻

朱子

仙人喬嶽頂散髮吹參差喚我二三友集此西南垂  
列筵命洛公侑坐迎江妃導之千羽旄投之萬壁璣  
繽紛亦何麗醜難具知衆真亦來翔恍覺丹霄低  
茫茫雲霧合一一瓊瑤姿回首謝世人千載空相思  
吾衰怯雄觀未敢探此奇短衣一匹馬幸甚得所隨  
天寒飲我酒酒罷廢君詩人生易南北復此幾何時

送劉學士知衡州

歐陽修

楊子懶屬書平居惟嗜酒一沐或彌旬解醒須五斗  
淡爾輕榮利何嘗問無有忽憶四馬歸行爲一鹿守

湘南自古醉醺水聞名久簿領但盈几聖經不離口  
湖田賦稍蟹民訟爭隴畝兀爾即沈冥安能知可否  
聊爲寄情樂豈與素懷偶藏器思適時投刀寧煩手  
行當考官績勿復困嬰缶

登上封寺

張 枳

我尋西園路徑上上峯寺竹輿不留行及此秋容霽  
磴危霜葉滑林空山果墜崇蘭供清芬深壑遞幽吹  
不知山益高但覺冷侵袂路回屹陰巖笑兀聳蒼翠  
故應祝融尊羣峰拱而峙金碧雖在眼勇往詎容憩  
絕頂極遐觀脚力聊一試昔遊冰雪中未盡登臨意

衡州府志

卷之三十二

藝文詩

九

茲來天宇肅舉日淨纖翳遠邇無遁形高低同一視  
永惟元化功清濁分萬類運行有機緘浩蕩見根柢  
此理復何窮臨風但三喟

望月亭

張 枳

披衣凜中夜起步視融巖何許冰雪輪皎皎飛上天  
清光正在手空明皓無邊羣峰儼環列玉樹生瓊田  
白雲起我旁兩腋風翩翩舉酒發浩歌萬籟爲寂然  
寄言平生友誦我山中篇

遊南嶽風雪未已決策登山

張 枳

人言南山巔煙雲聳樓觀俯看了坤倪仰攀接天漢

勇在愧未能長吟湘水畔茲來渺遐想風雪豈中斷  
行行重行行敢起白晝歎我聞精神交石裂冰可泮  
陰沴驅層雲某日麗旭且決策君勿疑此理或通貫

同元晦擇之遊嶽道遇大雪

張 枳

驅車望南嶽羣山互參差微風忽南來雲幕爲四垂  
炎官挾蓐收從此萬玉妃庭焚亦何有尺璧仍珠玑  
奇貨吾敢居妙意良自知林霽倏變化轍迹平高低  
喬松與修竹錯立呈瑰姿清新足遐寄浩蕩多餘思  
平生湘南道未省有此奇况復得佳友晤言相追隨  
茅簷舉杯酒旅榻誦新詩更約登絕頂同觀霽色時

衡州府志

卷之三十二

藝文詩

十

合江亭

范成大

石鼓鬱嵯峨截然居滄洲有如古盟主勤王會諸侯  
蒸湘伯叔國稟命會葵邱敢不承載書戮力朝宗周  
混爲同軌去崩奔不敢留宜哉百谷王博大無與儔  
穆岳昔亂華車馬隔中州未聞齊晉勳包茅費誅求  
威文亦宏規尙取童子羞安知千載後但泣新亭囚  
我題石鼓詩願言續春秋

卜築

湛若水

遙遙起天柱巍巍南臺下于茲結雲松以下我精舍  
芳鄰接五峯神明見中夜諸子來端居無玩亦無捨

祝融峯

湛若水

我年躋八十強半懷衡山于茲愜所願誰能不為歡  
霧行衣袂溼雲卧衾枕寒清高萬籟寂神明中夜存  
一聲聞天雞紅日躍海門

答甘泉遊嶽

蔣信

秋風飄雲裾採藥過衡麓繡袍天上使攬轡來何速  
一為帝文曲皇皇宣化育一為帝執法秉鉞鎮南陸  
竝負鍾鼎姿不數連城玉開筵列嘉肴傾論後前躅  
朱輪故遲遲促席仍言宿迂疎髮已短啜馨固所欲  
偶結山中懽渴襟豈應足

衡州府志

卷之三十二

藝文詩

十一

虎跑泉

李攀龍

大士始結構鑿空偏此丘二虎自南嶽掉尾從師遊  
神威攫地脉佛力驅陽侯枯火迸石罅松根結網繆  
勢寧決蟠去揮錫怨不休至今噴岩壑水猶咆哮流  
酌言生壯心一嘯風颭颭海眼在其下潮汐故可求  
不朕胡僧咒爭使波瀾浮穿壁吐長瀾夾寺豬龍湫  
疑作故山雨片雲駐响嘯歸應出東林無為惠遠畱

炎陵齋居

尹襄

祇事後良旦不昧坐清宵鹿原秋氣肅川谷何寂寥  
虛堂爐煙裊明月似相邀予心方炯炯百慮一時消

懷彼厲山氏年代一何遙所傳惟數事如昏乃有朝  
萬古立人紀神功詎可描思成欲彷彿高大伴寄霄  
為家大夫恭禱南嶽煎餘望赤帝峯書懷

管嗣裘

彤日盪秋旻峰精散虛沈眇然感茲生孤寄如蠅子  
納之崔嵬中高天浮月雪震動有夙懷長養自芽萬  
嚴霜不相避稚弱誠衰竭蒸聞察炎精迺逆如錯列  
廉吏不可為清剛無乃輟寢丘有餘蔭生理無吝劣  
鐘笙載此心冀與昭爽徹回瞻雙鶴飛遺音賜康耄

送桂菴遊南嶽

郭都賢

衡州府志

卷之三十二

藝文詩

十二

采芝莫尋根向洋罔測底天風吹海槎落花飛滿紙  
時初照以落讀之未終篇冷水澆背起徐坐展楚遊  
花詩見投滌伐到毛髓嘔出一囊肝踏穿幾量履咄咄使我疑  
伊人胡至此豈其懷杞憂無乃耽禪喜五嶽已遊三  
日四之南紀湘雲喚我來夢已先於趾先有夢遊南嶽詩海  
苔染湖光瞳人剪秋水九面芙蓉顏層層餽展齒一  
日題一峯七十二日始嶽雲注滿瓢歸來灌吾耳

望南嶽

楊基

我從匡廬來但覺諸山低嵯峨望衡嶽雲霄與之齊  
下有赤地螿上有朱雀棲仰瞻祝融拔俯揖紫蓋迷

五嶺皆培塿三江爲沔蹄巍然南服尊嵩崑崙提攜  
封秩崇君稱諸神咸朝隋丹書篆寶冊萬里封金泥  
百王重祀典赤纜藉玉圭自非精靈通牲帛勞焚賣  
子方向遠道無由陟層梯蒼蒼煙霞中喔喔聞天雞  
細思昌黎伯恭默開雲霓靈貺自昭格誠敬良可稽  
斯人久云沒感念徒含悽

祝融峰

張居正

祝融羣峯表崑崙萬古雄采虹挂丹壁邈若升蒼穹  
舉手捫太微天關洞開通璀璨南斗星垂珠當我胸  
俯瞰六合內洗滌煙雲重浩如太始初二氣涵冲融  
衡州府志卷之三十一藝文詩  
須臾湧陽景倒挂扶桑東瀛海不復辨三山安可窮  
寄謝冷風子吾將遊混濛

南嶽廟

尹臺

疇昔抱微尚五嶽志窺尋限身清切禁安得諸夙心  
恭承帝嘉命羣藩展圭琛炎方鬯歷討因獲散冲襟  
遂越三湘浦亦涉衡陽淨駕言謁靈后清齋秉嚴忱  
靈陰豁幽巖朝景耀陽林長松三十里夾澗搖疎森  
微颺度曲崦蕭颯竿籟吟危閣聳霄漢朱碧徵霏陰  
翠峰儼翔會紫翠紛升沈聖人握元化峙流序高深  
皇皇朱鳥祀秩禮崇古今今惟德理南長養專調劑

再拜盼庭燕肅穆懷居歆

流杯池

彭簪

吏事苦煩鬱索遊謝吾黨乘興出廊門四顧增慨慷  
荒亭久寂寥衢路成榛莽緩步陟崇岡高歌振林響  
桃李笑無言春光正駘蕩飛瀑噴玉雪跋石擎仙掌  
分泉入曲池流杯恣情賞雜談忘爾汝一點動遐想  
斯須非久計暫覺脫塵鞅憂樂古人心曷哉憑俯仰

出嶽路

譚元春

靈羽記起止在山皆晴望意豈不忘歸歸心聞江漲  
何以迎送予青松同微尚愛濤步遲遲人以爲惆悵  
衡州府志卷之三十一藝文詩  
我則實不然方寸嶽萬狀

同語嵩登衡山燕子巖

失名

空巖無人聲飛流濺危石靜對久忘言精神自相逆  
松蘿高下垂猿猴時跳躑夕陽下空潭倒映千山尺  
老樹飲新霜丹黃凝絕壁白雲冉冉來欲就山中客  
氤氳修竹閒向我分半席淡漠若可依山風復窺迤  
搖曳渡前溪彌望蒼茫碧安得共吾儕一笑混心跡

步石鼓書院壁閒文公韻

鄒守益

宇宙一逆旅驅車慎無左鸞鳳乃贈炙豺狼或笑唾  
卓矣卧龍翁抱膝睨王佐向非魚水歡橫玉豈易貨

督餉出三湘雲鳥時一過炎德雖未恢忠貞詎肯挫  
後來子韓子古調亦寡和赤幟排佛老魏晉能幾箇  
山陽與海潮百折甘坎珂廓清評武事老熊當道臥  
南渡得朱張絕學最上課元氣天所培偽禁理則那  
太極剖南山賁育鼓羣懦譬彼百畝菑憫憫勤種播  
豈無來年積拯此落水餓艾齒始嶽遊逢奇輒自賀  
懷古追千里中道敢云情邦君時虛席羣彥燦盈座  
九合器猶小千駟夢已破稽首江漢波皜皜安可浣

憶朱張兩夫子

王守仁

客行長沙道山川鬱綢繆西探指嶽麓凌晨渡湘流

衡州府志

卷之三十一

藝文詩

五

踪岡復陟巘弔古還尋幽林壑有餘采昔賢此藏修  
我來實仰止匪伊事盤遊衡雲開曉望洞野浮春洲  
懷我二三友伐木增離憂何當此來聚道誼日相求

石鼓爲給事余守觀作

何孟春

郴山足奇變其水復清瀉韓公稱吾郴此語非虛借  
南州出水國山水各天下朱陵乃洞天蒸湘此分汜  
先生家衡陽自號樂湘者斯人智者徒此樂天應假  
萬古色不壞丹書諒難寫四時音不改絲竹若爲把  
風月從招呼賓朋任多寡來往兩城市流連幾疊岸  
揭來篷金門夢寐猶鄉社扁舟綠淨閒魚鳥忍相捨

翳子上遊士昔此長停駕歸築益高亭期淪老年蔗  
造物無終極浮生少休暇舊盟今亦寒逋客世空訝  
誰將許國身重辦買山價君鄰我卜居早晚歸田舍

石鼓書院懷諸葛武侯

管大勳

絕代有卧龍長嘯南陽曲生丁炎運微羣雄紛角逐  
三顧識帝胃歡如魚水遊督餉鎮蒸湘經畧始南服  
分荆削吳魏與劉定巴蜀義旗颺祁山賊臣膽先戮  
傷哉伊呂儔王業竟鼎足兩表出師心千古仰芳躅

懷昌黎文公

管大勳

聖賢久不作叔世崇佛老倬彼昌黎子力排著原道

衡州府志

卷之三十一

藝文詩

六

摛文振頽靡抗節秉孤矯寥寥千百年煌煌元和表  
寧逃至尊怒頓爲迷俗曉慷慨辭金門赴謫潮陽島  
行行過南嶽陰雲爲誰掃逆旅寄交歡閒亭誰麗藻  
真理固不磨山斗以爲寶

懷晦菴先生

管大勳

吾道在南州考亭宗尼父正教衍淳熙名言記石鼓  
崇臺幾廢興豐碑麗今古國步值艱難世俗多龔替  
獨以生平學抗論悟人主立朝踪已危乞祠心獨苦  
白鹿垂芳規嶽麓存聖矩至今蒸湘閒猶然等鄒魯

懷南軒先生

管大勳

查看完整版

付费下载



---

## 【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





## 【风水】风水命理资料合集\_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



## 【中医】中华传统医学资料大全\_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



## 【道术】道家法术\茅山术\符咒术\气术\_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



## 【武术】传统武术与现代搏击术\_6200 册

少林、武当、太极拳、形意拳、八极拳、咏春拳、气功、散打、格斗、拳击、...



## **【集藏】经史子集库\_13300 卷**

【经史子集】楚辞、汉赋、诗集、词集、宝卷、正史、编年、别史、纪事本末、地理志...



## **【国画】传世名画 \_ 6100 卷**

唐、金、辽、宋、元、明、清 800 多位画家近 6000 多幅传世...



## **【县志】方志\地方县志\乡志\地理志\_8100 册**

府志、区志、乡志、地理志..... 此合集为全国范围地方县志\府志古籍影印电子版，...



## **【国学】中华古籍库—32 万册古籍书**

32 万册《中华古籍库》【32 万册影印古籍 + 20 多亿字，带检索器和阅读工具】包括各地方志、日本内...

**【更多】** >> <https://www.fozhu920.com/list/>